

Y Cyfarfod Llawn

Dyddiad y cyfarfod:

Dydd Mercher, 1 Hydref 2014

Amser y cyfarfod:

13.30

Cynulliad
Cenedlaethol
Cymru

National
Assembly for
Wales



Agenda

(220)v2

1 Cwestiynau i'r Gweinidog Iechyd a Gwasanaethau Cymdeithasol (45 munud)

Bydd y Llywydd yn galw ar Lefarwyr y Pleidiau i ofyn cwestiynau heb rybudd i'r Gweinidog ar ôl Cwestiwn 2.

[Gweld y Cwestiynau](#)

2 Cwestiynau i Gomisiwn y Cynulliad (0 munud)

Ni chyflwynwyd unrhyw gwestiynau.

3 Cynnig i ddiwygio Rheol Sefydlog 26 mewn perthynas â Deddfau'r Cynulliad (5 munud)

NDM5583 Rosemary Butler (Gorllewin Casnewydd)

Cynnig bod Cynulliad Cenedlaethol Cymru, yn unol â Rheol Sefydlog 33.2:

1. Yn ystyried Adroddiad y Pwyllgor Busnes, 'Diwygio Rheolau Sefydlog: Rheol Sefydlog 26 – Deddfau'r Cynulliad' a osodwyd yn y Swyddfa Gyflwyno ar 17 Medi 2014; a

2. Yn cymeradwyo'r cynnig i adolygu Rheol Sefydlog 26, fel y nodir yn Atodiad B i Adroddiad y Pwyllgor Busnes.

Dogfennau ategol:

[Adroddiad y Pwyllgor Busnes](#)

4 Dadl y Ceidwadwyr Cymreig (60 munud)
NDM5585 Paul Davies (Preseli Sir Benfro)

Cynnig bod Cynulliad Cenedlaethol Cymru:

1. Yn credu bod angen mwy o eglurder o ran dangosyddion perfformiad allweddol Llywodraeth Cymru ar gyfer ardaloedd menter;
2. Yn galw ar Lywodraeth Cymru i ddarparu diweddariadau bob hanner blwyddyn o ddangosyddion perfformiad allweddol ar gyfer ardaloedd menter; a
3. Yn nodi'r angen i ymestyn lwfansau cyfalaf uwch i ardaloedd menter eraill, fel Eryri.

Cyflwynwyd y gwelliannau a ganlyn:

Gwelliant 1 – Jane Hutt (Bro Morgannwg)

Ym mhwynt 1, dileu "mwy o eglurder o ran dangosyddion" a rhoi "adolygu eglurder a dealltwriaeth o ddangosyddion" yn ei le

Gwelliant 2 – Aled Roberts (Gogledd Cymru)

Cynnwys ar ddiwedd pwynt 1:

gan gynnwys datgrynhoi cyllid cyhoeddus a phreifat o fewn y DPA buddsoddi,

Gwelliant 3 – Aled Roberts (Gogledd Cymru)

Ychwanegu ar ddiwedd pwynt 2:

"ac y dylai'r dangosyddion perfformiad allweddol hynny gynnwys mesurau o gynhyrchiant ym mhob ardal; a"

Gwelliant 4 – Aled Roberts (Gogledd Cymru)

Ym mhwynt 3, dileu "Yn nodi'r" a rhoi "Yn galw ar Lywodraeth Cymru a Llywodraeth y DU i archwilio i'r"

[Os derbynnir gwelliant 4, bydd gwelliant 5 yn cael ei ddad-ddethol]

Gwelliant 5 – Jane Hutt (Bro Morgannwg)

Ym mhwynt 3, dileu popeth ar ôl "Yn nodi" a rhoi yn ei le "y byddai'n ddymunol ymestyn lwfansau cyfalaf uwch i ardaloedd menter eraill hefyd, fel Eryri, ond yn cydnabod y bydd angen, wrth ystyried ardaloedd ychwanegol, nodi'r goblygiadau posibl o ran cost a chael cytundeb Llywodraeth y DU".

5 Dadl y Ceidwadwyr Cymreig (60 munud)

NDM5584 Paul Davies (Preseli Sir Benfro):

Cynnig bod Cynulliad Cenedlaethol Cymru:

1. Yn croesawu'r cynnydd a wnaed yn uwchgynhadledd newid hinsawdd y Cenhedloedd Unedig ar gyfer 2014 yn Efrog Newydd;
2. Yn annog Llywodraeth Cymru i sicrhau nad yw datgoedwigo yn parhau yng Nghymru a bod ei tharged o 100,000 hectar o goedwigaeth newydd yn cael ei gyrraedd erbyn 2030;
3. Yn gresynu at y ffaith nad yw Llywodraeth Cymru ar y trywydd iawn i gyrraedd ei thargedau newid hinsawdd ar gyfer 2020;
4. Yn galw ar Lywodraeth Cymru i annog ystod ehangach o ynni adnewyddadwy, gan gynnwys ond heb fod yn gyfyngedig i, ynni adnewyddadwy morol, treulio anaerobig ac ynni dŵr;

5. Yn galw am ddatganoli Tystysgrifau Rhwymedigaeth Ynni Adnewyddadwy, neu'r hyn sy'n eu dilyn, i Lywodraeth Cymru; a

6. Yn galw ar Lywodraeth Cymru i archwilio i rwystrau i gysylltu â'r grid ar gyfer prosiectau ynni ar raddfa fach o dan 50MW.

Cyflwynwyd y gwelliannau a ganlyn:

Gwelliant 1 – Jane Hutt (Bro Morgannwg)

Dileu pwynt 3 a rhoi yn ei le:

Yn nodi bod Llywodraeth Cymru yn parhau'n ymrwymedig i gyrraedd ei thargedau Newid Hinsawdd ar gyfer 2020;

Gwelliant 2 – Aled Roberts (Gogledd Cymru)

Cynnwys pwynt 5 newydd ac ail-rifo yn unol â hynny:

Yn llongyfarch Tidal Energy Cyf. ar ddadorchuddio ei ddyfais DeltaStream ar 7 Awst 2014, a wnaed yn bosibl drwy ddefnyddio arian Swyddfa Cyllid Ewropeaidd Cymru, ac yn galw ar Lywodraeth Cymru i sicrhau bod prosiectau o'r fath yn parhau i gael cefnogaeth briodol yn y dyfodol fel y gall Cymru wneud y mwyaf o botensial ynni adnewyddadwy morol i hyrwyddo dull grid cymysg.

Gwelliant 3 – Aled Roberts (Gogledd Cymru)

Cynnwys pwynt 5 newydd ac ail-rifo yn unol â hynny:

Yn croesawu'r datblygiad diweddar o ddwy ardal profi ac arddangos morol yn nyfroedd Cymru ac yn galw ar Lywodraeth Cymru i ddarparu gwybodaeth reolaidd i'r Cynulliad am ei chynnydd tuag at alluogi datblygiadau technolegol pellach a masnacheiddio dyfeisiadau sy'n defnyddio ynni adnewyddadwy o'r tonnau a'r llanw.

Gwelliant 4 – Elin Jones (Ceredigion)

Dileu pwynt 5 a rhoi yn ei le:

Yn credu bod adnoddau naturiol Cymru yn asedau gwerthfawr y gellid eu defnyddio i dorri allyriadau carbon, ac yn galw am ddatganoli'r holl bwerau dros ynni yn llawn, gan gynnwys pob agwedd ar drwyddedu, caniatâd cynllunio ac Ystad y Goron.

Gwelliant 5 – Elin Jones (Ceredigion)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i osod targed i Gymru fod yn hunangynhaliol o ran trydan adnewyddadwy.

Gwelliant 6 – Elin Jones (Ceredigion)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i weithredu rhaglen ôl-osod uchelgeisiol i gynyddu effeithlonrwydd ynni y stoc dai bresennol.

6 Dadl Plaid Cymru (60 munud)

NDM5587 Elin Jones AC (Ceredigion)

Cynnig bod Cynulliad Cenedlaethol Cymru:

1. Yn credu bod tagfeydd ar yr M4 yn ardal Casnewydd yn niweidiol i economi Cymru, a bod angen datrysiad cynaliadwy a fforddiadwy;
2. Yn cadarnhau nad yw'r achos wedi'i wneud ar gyfer bwrw ymlaen â'r 'llwybr du';
3. Yn credu y bydd neilltuo holl bwerau benthyca newydd Cymru i un prosiect yn cyfyngu ar fuddsoddi mewn mannau eraill; a
4. Yn galw ar Lywodraeth Cymru i roi ystyriaeth lawn i'r 'llwybr glas' am resymau economaidd, amgylcheddol ac ariannol ac er mwyn rheoli traffig.

Cyflwynwyd y gwelliannau a ganlyn:

Gwelliant 1 – Paul Davies (Preseli Sir Benfro)

Dileu popeth a rhoi yn ei le:

1. Yn credu bod tagfeydd ar yr M4 yn ardal Casnewydd yn niweidiol i economi Cymru, a bod angen datrysiad cynaliadwy a fforddiadwy;
2. Yn cadarnhau bod diffyg achos tryloyw dros fwrw ymlaen â'r 'llwybr du' ac yn galw ar Weinidog yr Economi, Gwyddoniaeth a Thrafnidiaeth i gyhoeddi tystiolaeth glir bod materion amgylcheddol wedi cael eu hystyried yn llawn a bod proses o ddiwydrwydd dyladwy effeithiol wedi ei dilyn;
3. Yn credu y bydd neilltuo holl bwerau benthyca newydd Cymru i un prosiect yn cyfyngu ar fuddsoddi mewn mannau eraill ac y bydd, yn ddiamau, yn effeithio ar gynlluniau trafndiaeth ledled Cymru; a
4. Yn galw ar Lywodraeth Cymru i egluro pam y cafodd y 'llwybr glas' ei ddiystyru yn gynnar ac amlinellu pa amodau economaidd, rheoli traffig, amgylcheddol ac ariannol y methodd y llwybr â'u cwrdd.

[Os derbynnir gwelliant 1, bydd gwelliannau 2, 3 a 4 yn cael ei ddad-ddethol]

Gwelliant 2 – Jane Hutt (Bro Morgannwg)

Dileu pwyntiau 2, 3 a 4.

[Os derbynnir gwelliant 2, bydd gwelliannau 3 a 4 yn cael ei ddad-ddethol]

Gwelliant 3 – Aled Roberts (Gogledd Cymru)

Cynnwys pwynt 3 newydd ac ail-rifo yn unol â hynny:

Yn credu y dylai buddsoddi mewn trafndiaeth gyhoeddus a chamau gweithredu i annog newid moddol oddi wrth ddefnyddio ceir fod yn flaenoriaeth fel rhan o gynllun trafndiaeth gynaliadwy ac integredig.

Gwelliant 4 – Aled Roberts (Gogledd Cymru)

Mewnosod ym mhwynt 4 ar ôl 'llwybr glas':

Yn ogystal â datrysiadau trafndiaeth gyhoeddus addas

Cyfnod Pleidleisio

7 Dadl Fer (30 munud)

NDM5586 Bethan Jenkins (Gorllewin De Cymru)

Cyfranogiad etholwyr a sut y gallwn gael pethau'n iawn mewn perthynas â democratiaeth.

Yn dilyn y refferendwm yn yr Alban, sut y gall y Cynulliad Cenedlaethol gynyddu nifer yr etholwyr sy'n cyfranogi, ac a oes angen edrych ar ffyrdd newydd o gael pobl i bleidleisio?

Cynhelir Cyfarfod Llawn nesaf y Cynulliad am 13.30, Dydd Mawrth, 7 Hydref 2014

Cwestiynau Ysgrifenedig y Cynulliad a gyflwynwyd ar 24 Medi 2014 i'w hateb ar 1 Hydref 2014

R – Yn dynodi bod yr Aelod wedi datgan buddiant.

W – Yn dynodi bod y cwestiwn wedi'i gyflwyno yn Gymraeg.

(Dangosir rhif gwreiddiol y Cwestiwn mewn cromfachau)

Gofyn i'r Gweinidog Iechyd a Gwasanaethau Cymdeithasol

Bydd y Llywydd yn galw Llefarywyr y Pleidiau i ofyn cwestiynau heb rybudd i'r Gweinidog ar ôl cwestiwn 2.

1. Keith Davies (Llanelli): Pa drafodaethau diweddar y mae'r Gweinidog wedi'u cael gyda Bwrdd Iechyd Prifysgol Hywel Dda a rhanddeiliaid eraill ar y berthynas rhwng gofal sylfaenol a gofal brys yn ardal Llanelli? OAQ(4)0496(HSS)

2. Ann Jones (Dyffryn Clwyd): A wnaiff y Gweinidog ddatganiad ar y Cynllun Gwên? OAQ(4)0488(HSS)

3. William Graham (Dwyrain De Cymru): A wnaiff y Gweinidog ddatganiad ar amseroedd ymateb ambiwlans yn Nwyrain De Cymru? OAQ(4)0486(HSS)

4. Darren Millar (Gorllewin Clwyd): A wnaiff y Gweinidog ddatganiad ar arweinyddiaeth o fewn y GIG yng Nghymru? OAQ(4)0478(HSS)

5. Mick Antoniw (Pontypridd): A wnaiff y Gweinidog ddatganiad ar gynlluniau ar gyfer datblygu gofal iechyd integredig yn ardal Bwrdd Iechyd Prifysgol Cwm Taf? OAQ(4)0485(HSS)

6. Julie Morgan (Gogledd Caerdydd): A wnaiff y Gweinidog ddatganiad ar fonitro paneli adolygu annibynnol byrddau iechyd lleol? OAQ(4)0494(HSS)

- 7. Bethan Jenkins (Gorllewin De Cymru):** A wnaiff y Gweinidog ddatganiad ar y gefnogaeth y mae Llywodraeth Cymru yn ei darparu i gynghorau iechyd cymuned? OAQ(4)0483(HSS)
- 8. Russell George (Sir Drefaldwyn):** A wnaiff y Gweinidog ddatganiad ar ddarpariaeth drawsffiniol o ofal iechyd ar gyfer trigolion yng nghanolbarth Cymru? OAQ(4)0489(HSS)
- 9. William Powell (Canolbarth a Gorllewin Cymru):** A wnaiff y Gweinidog ddatganiad ar wasanaethau meddygon teulu yng Ngheredigion? OAQ(4)0491(HSS)
- 10. William Powell (Canolbarth a Gorllewin Cymru):** A wnaiff y Gweinidog ddatganiad ar fynediad i wasanaethau iechyd trawsffiniol yng Nghanolbarth a Gorllewin Cymru? OAQ(4)0490(HSS)
- 11. Jenny Rathbone (Canol Caerdydd):** Pa gyfleoedd ar gyfer goruchwyliaeth glinigol sy'n cael eu cynnig i staff y GIG? OAQ(4)0492(HSS)
- 12. Lynne Neagle (Torfaen):** A wnaiff y Gweinidog ddatganiad ar wasanaethau ambiwlans yn Nhorfaen? OAQ(4)0493(HSS)
- 13. Paul Davies (Preseli Sir Benfro):** A wnaiff y Gweinidog ddatganiad ar wella gwasanaethau ysbyty yng ngorllewin Cymru? OAQ(4)0495(HSS)
- 14. Ann Jones (Dyffryn Clwyd):** A wnaiff y Gweinidog ddatganiad ar yr ymgyrch i frechu rhag y ffliw eleni? OAQ(4)0487(HSS)
- 15. Mohammad Asghar (Dwyrain De Cymru):** Pa gamau y mae'r Gweinidog yn eu cymryd i wella gwasanaethau ambiwlans yn Nwyrain De Cymru? OAQ(4)0480(HSS)

Gofyn i Gomisiwn y Cynulliad

Ni chyflwynwyd unrhyw gwestiynau.

